



Broj: 01/02-02-981-3/18  
Zenica, 19.02.2018. godine

ZENIČKO-DOBOJSKI KANTON  
VLADA KANTONA  
Stručna služba Vlade  
n/r sekretara po ovlaštenju

**PREDMET: Amandman I poslanika Amira Ganića i Meldine Ugarak i amandman II poslanika Amira Ganića na Prijedlog Zakona o osnovnoj školi**  
- dostavljaju se

U prilogu ovog dopisa dostavljamo Vam amandman I poslanika Amira Ganića i Meldine Ugarak i amandman II poslanika Amira Ganića na Prijedlog Zakona o osnovnoj školi, a radi izjašnjenja Vlade Kantona o istim, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona», broj: 7/12 i 12/13).

S poštovanjem,

**PRILOZI: Kao u dopisu**

**Dostavljeno:**

- 1 x Naslovu,
- 1 x Ministarstvo za obrazovanje, nauku, kulturu i sport,
- 1 x Svim poslanicima Skupštine/05-03
- 1 x Svim članovima Zakonodavno-pravne komisije/04-01
- 1 x 02,
- 1 x U spis predmeta 56. sjednice Skupštine/05-03



02/18 02/18

| SKUPŠTINA ZENIČKO - DOBOJSKOG KANTONA |      |        |            |
|---------------------------------------|------|--------|------------|
| Prijelazno: 19.02.2018.               |      |        |            |
| Org. jed.                             | Broj | Prilog | Vrijednost |
| 01-                                   | 02-  | 989-1- | 1/18       |

## Ibrahim Avdagic

**From:** "Amir Ganic" <ganicamir@yahoo.com>  
**Date:** ponedjeljak, 19. februar 2018. 13:11  
**To:** "Ibrahim Avdagic" <ibrahim.avdagic@zdk.ba>  
**Attach:** amandman ja i meldina na zakon o osnovnoj školi.docx; moj amandman na zakon o osnovnoj školi.docx  
**Subject:** Re: PRESUDA USTAVNOG SUDA FBiH

Postovani saljem Vam dva amndmana na Prijedlog zakona o osnovnoj skoli. Molim da mi javite prispijeće mail-a i amandmana s postovanjem ag

On Friday, February 16, 2018, 1:59:46 PM GMT+1, Ibrahim Avdagic <ibrahim.avdagic@zdk.ba> wrote:

Poštovani,

U prilogu ovog dopisa, dostavljamo Vam Presudu Ustavnog suda Federacije BiH, broj: U-21/17 od 29.11.2017. godine, objavljenu u "Službenim novinama Federacije BiH" broj: 11/18 od 14.02.2018. godine, donesenu povodom podnesenog zahtjeva Gradonačelnika Grada Zenica za zaštitu prava na lokalnu samoupravu u vezi sa federalnim Zakonom o zaštiti od požara i vatrogastvu i Zakonom o zaštiti od požara i vatrogastvu Zeničko-dobojskog kantona, uz napomenu da nam ista nije ranije dostavljena neposredno od Ustavnog suda Federacije BiH odnosno da nam nije dostavljen opravak odluke Suda koja se dostavlja strankama u postupku, shodno odredbi člana 46. stav 2. Poslovnika Ustavnog suda Federacije BiH ("Službene novine Federacije BiH" broj: 40/10 i 18/16).

S poštovanjem,

SEKRETAR SKUPŠTINE ZDK  
 Ibrahim Avdagić

Zastupnici u Skupštini  
Zeničko-dobojskog kantona  
Prof. dr Amir Ganić  
Mr. Meldina Ugarak

| SKUPŠTINA ZENIČKO - DOBOJSKOG KANTONA |       |        |            |
|---------------------------------------|-------|--------|------------|
| Primljeno: 19.02.2018.                |       |        |            |
| Org. jed.                             | Broj  | Prilog | Vrijednost |
| 01-02                                 | 981-1 | 1      | 18         |

**SKUPŠTINI ZENIČKO-DOBOJSKOG KANTONA**  
**n/r Predsjedavajućeg**

**Predmet: Amandman na Prijedlog Zakona o osnovnoj školi**

**AMANDMAN I**

Član 32. stav (1) Prijedloga Zakona o osnovnoj školi, mijenja se i glasi:

*„Zimski odmor za učenike osnovne škole traje četiri sedmice, a ljetni odmor traje od završetka nastavne godine do početka nove školske godine.“*

Član 32. stav (2) Prijedloga Zakona o osnovnoj školi, mijenja se i glasi:

*„Zimski odmor koristi se nakon završetka prvog polugodišta.“*

Stav 3 iz člana 32. se briše, tako da stavovi 4, 5, 6 i 7 postaju stavovi 3, 4, 5, i 6.

**Obrazloženje amandmana**

U članu 32. stav (1) Prijedloga Zakona o osnovnoj školi stoji: „Zimski odmor za učenike škole traje tri sedmice, proljetni odmor jednu sedmicu, a ljetni odmor traje od završetka nastavne godine do početka nove školske godine.“

Gore navedeni Amandman na član 32. stav 1 i 2, koji se podnosi na Prijedlog Zakona o osnovnoj školi, odnosi se **na ukidanje proljetnog odmora**.

Naime, ne postoji niti jedan racionalan i opravdan razlog za postojanje proljetnog odmora, kojeg predviđa Član 32. (stavovi 1 i 2) Prijedloga Zakona o osnovnoj školi. Pored toga, sasvim opravdanim, pragmatičnim i realnim se čini da se zimski raspust umjesto tri (kako to predviđa Prijedlog navedenog Zakona), produži na četiri sedmice. Apsolutno je potrebnije da djeca-učenici imaju u kontinuitetu zimski raspust od četiri sedmice. Također, neophodan je kontinuitet nastavnih aktivnosti učenika tokom trajanja nastave u drugom polugodištu. Prekid nastavnih aktivnosti tokom predviđenog proljetnog raspusta (praksom potvrđeno i od strane roditelja i nastavnog osoblja), vrlo negativno djeluje na učenike. Tokom posljednje sedmice, pred proljetni odmor, dolazi do „laganog opuštanja“ kod učenika, znajući da nakon te sedmice dolazi odmor. Također, nakon ponovnog vraćanja u školske klupe, učenicima je ponovo potreban određeni vremenski period kako bi se vratili u „normalnu nastavnu kolotečinu“.

Također, sasvim se opravdanim čini da se zimski odmor produži za još jednu sedmici, imajući u vidu da su obično u tom periodu najniže temperature tokom godine. U skaldu sa prethodnim, smanjuje se mogućnost prehlada i pojave drugih bolesti kod učenika uzrokovanih niskim temperaturama. Pored toga, uslijed vremenskih prilika otežano je i odvijanje saobraćaja, što predstavlja probleme kako za učenike tako i za nastavno osoblje.

Nije zanemariva činjenica da bi se priuštile značajne uštede u potrošnji energenata koji se koriste za zagrijavanje škola tokom te sedmice, (koja je u pravilu i najhladniji period tokom godine).

Iz svega gore navedenog, sasvim je opravdano i realno za očekivati da Predlagač Zakona o osnovnoj školi razmotri obrazloženje navedenog amandmana i isti prihvati.

S poštovanjem


Visoko, 19. 02. 2018.

Podnosioci amandmana:

Prof. dr Amir Ganić

Mr Meldina Ugarak

Zastupnik u Skupštini  
Zeničko-dobojskog kantona  
Prof. dr Amir Ganić



**SKUPŠTINI ZENIČKO-DOBOJSKOG KANTONA**  
**n/r Predsjedavajućeg**

**Predmet: Amandman na Prijedlog Zakona o osnovnoj školi**

**AMANDMAN II**

U Član 40. Prijedloga Zakona o osnovnoj školi, iza stava (3), dodaje se stav (4) koji glasi:

*„Svi udžbenici koji se koriste tokom nastavnog procesa, a koje odobri resorno Ministarstvo, trebaju biti uniformni, odnosno jednoobrazni u pogledu imena autora i sadržaja udžbenika na nivou cijelog kantona.“*

**Obrazloženje amandmana**

Predloženi amandman na Prijedlog zakona o osnovnoj školi umnogome bi olakšao značajne probleme koji se javljaju na početku školske godine, pri nabavci udžbenika. Ti problemi se ogledaju kroz veliku heterogenost udžbeničke-nastavne literature. Nevjerovatnim se čini, ali je u praksi prisutno, da razlike u pogledu autora, a samim tim i sadržaja udžbenika za jedan isti predmet na nivou razreda, postoje čak i na razini škola unutar jedne općine. O heterogenosti na nivou kantona, kada je u pitanju ova problematika, izlišno je i govoriti. Posljedice jednog takvog pristupa se ogledaju kroz problematiku nabavke novih, kao i mogućnosti primjene „starih“ udžbenika koji su korišteni u protekloj školskoj godini, što otežava i dodatno poskupljuje prije svega roditeljima, ali i nastavnicima pravi određene probleme.

U okolnostima u kojima se nalazi bosanskohercegovačko društveno uređenje, pri čemu je obrazovanje u nadležnosti kantona (pa čak u pojedinim specifičnim slučajevima „spušteno“ i na nivo općina), neophodnim se čini iznalaziti rješenja koja će ići u smjeru uniformnosti obrazovnog sistema, za početak na federalnom, a u kasnijim nastojanjima i na državnom nivou. Odnosno, neophodno je sadašnji (zakonodavni) pristup u oblasti obrazovanja, u potpunosti promijeniti u drugačijem smjeru nego li je to dosadašnja praksa. Prihvatanjem ovog amandmana, umnogome bi se, u tehničkom smislu nastavni proces olakšao, troškovi kod roditelja reducirali u određenoj mjeri, ali bi se također pokazala intencija da želimo obrazovni sistem usklađivati sa evropskim i svjetskim vrijednostima i trendovima.

Iz svega gore navedenog, sasvim je opravdano i realno za očekivati da Predlagač Zakona o osnovnoj školi razmotri obrazloženje navedenog amandmana i isti prihvati.

S poštovanjem

Visoko, 19. 02. 2018.

Podnosioci amandmana:

Prof. dr Amir Ganić